

摘藻堂四庫全書薈要

子部

欽定四庫全書蒼要卷一萬一千五百八十九

子部

御定淵鑑類函卷一百四十一

政術部二十

舉親 舉舊 舉讐 舉賤 自舉
遞相舉附 至公舉 失所舉

坐舉主

舉親一

原祁奚舉午

謝安舉玄

晉悼公問國無尉其誰可祁
奚曰午也可注午奚子也君

子曰能舉善也立其子不為比
求文武將鎮禦北方謝安以兄子玄應舉祁超與玄不
協曰違衆舉親明也

臣願任子

姊不舉弟

呂氏春秋魏公

叔疾惠王問之公叔曰臣庶子鞅願任之國政若不用勿使出境王不應謂左右曰叔諄也後鞅果西入秦秦用之而強魏竟弱也義縱少時與張次公俱攻剽為羣盜姊以醫幸王太后后問有兄弟欲為官乎曰有弟無行不可

唯善所在

雖親何傷

魏舒與魏成同縣問成鱣曰吾與成

也同縣人以為黨乎成鱣曰夫舉無他唯善所在親疎一也仲尼曰近不失親遠不失舉可謂義矣

唯

賢是求

雖親必舉

叔向曰祁奚內舉不失親

增該博

爽聰

冊

元龜曰蔣將明德宗朝為集賢學士子又弱冠該博羣籍將明在集賢以兵亂之後圖籍溷雜乃白執政請令又入院編次宰相張鑑署又為集賢編錄纔逾一年於散亂中整緝二萬餘卷勒成部秩又曰漢蘇稅逢吉父也悅為高祖從事甚見禮遇因從容曰老夫耄矣才器無取男逢吉粗學援毫性復恭恪公不以狔犬之微

願令事左右高祖召見以精
神爽聰甚憐之擢為賓佐

皆堪為不可用

涑水燕談

曰曹侍中將薨車駕親臨視之曰臣之子璩與璋才器
有取臣若內舉皆堪為將合璧事類曰呂文穆蒙正

致政居洛真宗祀汾陰過洛文穆迎謁回鑾帝幸其宅
問曰卿諸子孰可用對曰臣諸子皆豚犬不可用有姪
夷簡任潁州推官宰相才也

惟在得賢此非至公

冊府元龜曰高宗顯慶三

年帝謂宰臣曰四海之廣惟在得賢卿等用人多作形
迹護避親知不能盡意甚為不取昔祁奚舉子古人以
為美談即使卿等兒姪有材亦須依例進舉資治通
鑑曰憲宗嘗於延英謂宰相曰卿輩當為朕惜官勿用
之私親故李吉甫權德輿皆謝不敢李絳曰崔祐甫有
言非親非故不諳其才諳者尚不與官不諳者何敢復
與但問其才器與官相稱否耳若避親故之嫌使聖朝
虧多士之美此乃偷安之士非至公之道也上曰誠如

卿

果得其人

不以為私

冊府元龜曰狄仁傑為內史子光嗣則天聖歷初為

司府丞則天令宰相各舉尚書郎一人仁傑乃薦光嗣拜地官貲外郎誼事稱職則天喜而言曰祁奚內舉果

得其人

又曰韋貫之順宗永貞中除監察御史上書

舉季弟纁自代時議不以為私轉右補闕而纁竟代為

監察

不問仇黨

毋避親故

孔帖曰陸元方擢天官侍郎或言其薦引皆親

黨后怒免官令白衣領職元方薦人如初后召讓之對

曰臣舉所知不暇問仇黨

金史曰章宗承安三年諭

宰臣任才能雖資品未

仁傑薦子光嗣

渠牟稱甥

及亦具以聞毋避親故

盧綸

上詳果得其人注

冊府元龜曰韋渠牟為太府卿其甥盧綸為檢校金部郎中渠牟數稱論其才

德宗召之內殿令和御

製詩起拜戶部郎中

舉親二

原內稱

禮記儒有內稱不避親

內選

楚君之舉也內姓選於親

增如而父

言

唐書云韋承慶解鳳閣舍人后召嗣立謂曰爾父嘗稱二子忠孝堪事朕以兄弟稱職如爾父言今使卿

兄弟自相代即

朕自用詵

孔帖云蘇詵累轉給事中時蘇廷碩為紫微即固辭

帝曰古有內舉不避親者

無實才

又云陸贄始請臺閣長官得自薦其

朕自用詵卿言非公也

屬或言諸司所引皆親黨

收採遺逸

又云崔渙為江淮宣諭選補使

無實才帝復詔宰相自擇

收采遺逸不

宰相近屬

又云韋巨源為吏部尚書時官缺執政以次用其親巨源

以親故自嫌

秉筆當除十人楊再思得其一餘授皆宰相近屬

可

再思喟然曰吾等誠負天下巨源曰時當爾耳

任治人

又云李石弟福太和中華進士楊嗣復領劔南辟幕府崔鄆輔政引為校理調藍田尉後石當

國薦福可任治人由監

察御史至戶部郎中

以父表弟及弟居首

合璧事類云程

顥為御史神宗嘗使推擇人材顥薦數

十人而以父表弟張載及弟頤居首

舉親三

增詔唐開元二十九年詔曰朕所求才待之若渴旣旌於巖穴亦貴於丘園片善必收冀無遺逸然士人藏器衆何以知豈若父子之間自相推薦昔祁奚之舉祁午謝安之任謝玄良史書之咸以為美賢彥之士何代無

人寧恨嫌疑致有拘忌其内外官有親伯叔及兄弟并子姪中灼然有才術異能風標節行通閑政理據資歷堪充刺史縣令者各任以名薦

舉舊一

原選於舊

舉其偏

楚君之舉也外姓選於舊為中軍尉羊舌職佐之職死晉侯

祁奚

問祁奚曰孰可以代之對曰赤也可君子曰舉其偏不為黨注赤職子也偏黨也

多用鄉里

皆受本國

魏許允為吏部多用鄉里人告黨與文帝收之允對曰古人云舉爾所知臣之鄉人

臣所知也陛下試察有不勝任者臣當受罪帝決察允所用皆當職乃釋允更賜衣服 傅嘏字蘭石為河南

尹河南俗黨五百掾功曹典選職皆授其本國人無異
邦者謂各舉良而對用之官曹分職而後以次考覈之
多擢宿舊 不用鄉親魏何晏遷侍中主選曹宿與有舊者多擢用之杜錫為

吏部郎不敢
用鄉親一人

始以故知 終因德進 棄舊不仁

得賢有賞 刈錯薪之楚且得賢良 拔連茹之茅不

遺故舊

舉舊二

原舉舊人子

朱暉字文秀與陳揖交善揖早亡後司徒
桓虞辟召暉子駢暉乃薦揖子友代之

增與相識

冊府元龜曰崔祐甫建中初為相薦延推
舉無復凝滯日除數十人帝嘗謂曰有人

謗卿所除擬官皆涉親故何也祐甫奏曰庶官必須諳其才行臣若與相識方可粗諳若平生未曾相見即無由知其言行獲謗之由實在於此帝亦以為然

舉讐一

原不避怨

乃就讐

禮記儒有外舉不避怨魏吉茂兄廣為鍾繇所繩伏法茂怨怒繇

不哭至歲終繇舉茂才議者以為茂必不就乃就之時人或以茂為畏繇或以茂為髡丘者也

解

狐得舉

叔向豈遺

稱其讐不為諂君子謂祁奚能舉善矣注謂稱解狐君子曰解狐得

舉

傳外舉不

害公非忠

敗國非人

以私害公非忠也私怨也

避讐詳薦舉

君子謂羊斟非人也以其私

憾敗國殄民於是刑孰大焉

王生舉柳朔 喬元

薦陳球

傳范氏之臣王生惡張柳朔後舉朔為柏人宰昭子曰夫非而讐乎對曰私讐不及公好不廢

過惡不去善義之經也

臣敢違之

下詳薦舉

解狐舉伯柳

咎犯薦子羔

韓子曰趙簡主問解狐孰可為上黨守曰荆伯柳主曰

非子之讐乎曰舉賢不避仇讐也

說苑晉文侯問咎

犯誰可為西河守曰虞子羔云云君問為守非問臣仇

子羔詣謝犯曰薦公也不以私事害公議子去之吾當

射子矣注射引

名辱己者為中尉 舉毀己子為孝

弓迎而射之

廉

韓信為楚王召辱己之少年令出跨下者為中尉告諸將相曰方辱我時寧不能死死之無名故忍就此

樂恢字伯奇同郡楊政數眾毀恢

惡而知美 私

恢後舉政子為孝廉由是鄉里歸之

不害公

豈宜報怨

安可妨公

公必滅私

憎而

知善 宜取節於葑菲 豈失賢於睚眦 小白用管

仲是捨射鉤之讐 重耳見寺人豈念斬祛之罪 增

慕祁奚 擢鄭穀 吳志云蔣欽屯宣城徐盛收欽屯吏表斬之盛嘗畏欽害已而欽稱其善

孫權曰君欲慕祁奚耶欽曰公舉不挾私怨盛忠而有膽畧不敢挾私恨以蔽賢能 孔帖云鄭畋右丞鄭薰誣畋罪不可任郎官出之鄭穀者薰子也畋秉政擢鄭穀為給事中

舉雙言二

增素不相能 史記云蕭何素不與曹參相能及何病孝惠自臨視問曰君即百歲後誰可代君者

何曰知臣莫如主曰曹參何如何頓首曰帝得之矣臣死不恨 所不與公有如此觴

孔帖云劉仁軌嘗為御史索異式所劾慢辱之脅使引決及拜大司憲異式尚在臺不自安因醉以情自解仁軌曰所不與公者有如此

是子堅正

唐書韋溫傳云李德裕入輔擢

禮部員外郎或言為牛僧孺厚德裕曰是子堅正可以私廢乎

舉賤一

原任草萊進寒素

王蘊為吏部郎曰欲使時無屈滯先任草萊晉起居注王戎領吏

部未嘗進一寒

舉小吏升家臣

上見周禮公叔文子之臣大夫僕

素退一虛名

與文子同升諸公子曰可以為文矣注薦家臣於公與已同為大夫

引薦白屋對揚

紫庭

趙武劉琨表並詳薦舉

執技事上取盜為臣

禮記凡執技以事上

者不二事不移官出鄉不與士齒謂祝史射御醫卜及百工也 孔子曰管仲取盜二人上以為公臣曰其所與游僻也可人也 注言此人可用也 管仲死桓公使為之取官於大夫遷之

管庫之士

牛醫之子

趙文子舉管庫小吏以為士大夫詳薦舉黃憲字叔度牛醫之子後舉孝廉又辟公府

王侯無種

醴泉無源

王侯將相豈有種乎醴泉無源芝草無根

揚側

陋 出淹滯

將致非常之才

宜從不次之舉

將

欲搜以賢良

豈可遺於側陋

唯賢是舉雖賤何傷

唯善是求何賤之有

淮陰餓隸才能佐漢

渭濱

賤老道可匡周

楚君舉善用仲爽於申浮

漢主使

能擢弘羊於賈豎

增不遺微陋

勿拘資歷

歐陽詹書云舉

善不遺於微陋用能必盡其才器

冊府元龜曰晉高

祖天福元年敕士流之內有懷才抱器碩學殊能者委

中書門下搜訪任

使勿拘門第資歷

舉賤二

增判唐白居易對貢市井之子判曰惟賢是求何賤之
有況士之秀者而人其捨諸惟彼郡貢或稱市籍非我
族類則嫌雜以蕭蘭舉爾所知安得棄其翹楚誠有惡
於裨販諒難捨於茂異揀金於沙石豈為類賤而不收

度木於澗松寧以地卑而見棄但恐所舉失德不可以
賤廢人況乎識度冠時出自牛醫之後心計成務擢於
賈豎之中在往事而足徵何常科而自限申州有據省
詰非宜

自舉一 遞相舉附

原兼文武

比管樂

漢田延年為河東太守至平陽召吏令文者東武者西尹翁歸伏不

肯起曰翁歸文武兼備任所設施

諸葛孔明自比管

樂時人未許唯崔州平徐元直信然曰諸葛孔明乃臥

龍也

文史足用

盜賊請治

東方朔自舉曰臣少失父母長養兄嫂身長九尺五

寸學書三冬文史足用云云可以備天子之大臣張
敞渤海膠東盜賊並起敞上書請自治之徵拜膠東相

盜賊並

願守長安令請授東郡守

漢馮野王字君卿十八上書願

解散

守長安令宣帝奇其志欲用丞相以為不可耿純字

伯山請曰臣本吏家子孫遭聖帝受命備位列將爵為

通侯天下畧定無所用志願試守一郡盡力以

增投

効帝笑曰卿既治武復欲修文耶授東郡太守

牒

詣闕

資治通鑑曰封常清年二十未有名高仙芝

為都知兵馬使嘗出軍奏倖從三十餘人衣

構鮮明常清慨然投牒請豫常清素瘠又脚踏仙芝陋

其貌不納明日復至仙芝曰何庸復來常清怒曰我慕

公義故無媒自前公何見拒深乎以貌取人失之子羽

公其念之仙芝猶未納乃日候門下仙芝不得已竄名

倖中冊府元龜曰肅宗即位於靈武詔有直言極諫

才能牧宰文詞博達武藝絕倫孝弟力田沉淪草澤委

所在長官奏薦詣
關自陳者亦聽

獻文投狀

孔帖曰舒元興自負才藝過人銳進取太

和五年獻文闕下文宗得書高其激昂出示宰相李宗
閱以浮躁誕肆不可用改著作郎合璧事類曰景德

三年龍圖待制陳彭年奏應弘

自鬻

上謁

漢書曰武帝召

詞拔萃科明經人許投狀自薦

天下賢良文學待以不次之位四方士多上書言得失
自鬻者以千數合璧事類曰光武過潁陳王霸率賓

客上謁願

候門上書

戰國策曰汗明見春申君候門三月而後得見談卒春申

充行伍

君大悅之召門吏著客籍五日一見汗明曰君亦聞驥

乎驥之齒至矣服鹽車而上太行蹄申膝折尾湛跼潰

流汁洒地白汗交流負棘而不能上伯樂遭之下車攀

而哭之解紵衣以羈之驥於是俯而噴仰而鳴聲達於

天若出金石者何也彼見伯樂之知己也今僕之不肖

阮於州部堀穴窮巷沉湮鄙俗之目久矣君獨無意崩

被僕使得為君高鳴乎 孔帖曰負半千咸亨中上書
自陳臣家資不滿千錢有田三十畝粟五十石聞陛下
封神岳舉豪英故鬻錢走京師朝廷九品無葭蓍親行
年三十懷志潔操未蒙一官不能陳力歸報天子陛下
何惜玉陛方寸地不
使臣披肝露膽乎

哭鹽車

備藥籠

上詳侯門注
唐書曰元

行沖謂仁傑曰下之事上譬之富家貯積以自資也脯
脂腴腴以供滋膳參朮芝桂以防病門下之為味者多
矣願以小人充備一藥石仁傑笑
曰君正吾藥籠中物不可一日無

負鼎俎

給廝養

漢書曰伊尹蒙恥辱負鼎俎和五味以干湯 又曰路
溫舒遷右扶風丞詔書令公卿選可使匈奴者溫舒上
書願給

金躍冶

錐出囊

莊子曰大冶鑄金金踴躍
曰我且必為莫邪大冶以

廝養

為不祥之金 史記曰秦圍邯鄲趙使平原君求救合
從於楚約食客文武具備者二十人偕得十九人餘無

以滿有毛遂者前自贊曰願備負而行平原君曰夫賢士之處世譬若錐之處囊中其末立見先生未有所聞也毛遂曰使遂早得處囊中乃穎脫而出非特其末見而已

當加顯擢緣無紹

介冊府元龜曰唐高祖武德五年詔京官五品以上及諸州總管刺史舉一人其有志行可錄才用未申亦聽自己具陳藝能當加顯擢授以不次又曰開元二年制其有茂才異等拔萃超羣緣無紹介久不聞達者咸令自舉

軍謀出衆武藝絕倫

冊府元龜曰天寶十三載詔有博通墳典洞曉

玄經清白著聞詞藻宏麗軍謀出衆武藝絕倫者任自舉

下詳詣闕注

遞相舉原提衡

引重

張湯杜周相為提衡魏其侯與灌夫二人相引重注云引重相推薦

互舉

相薦

漢何武舉左將軍公孫祿可輔政祿亦舉武有司劾奏互相稱舉皆免賈捐之字君房與長安令

楊興字君蘭相善捐之薦興可試守京兆楊興亦云我若得見言君房石顯奏捐之興懷詐更相舉薦請論如律捐之

竇章馬融

田仁任安

後漢竇章字伯向好學與馬融崔瑗更相

棄市

推舉 漢武詔擇衛將軍舍人為郎將趙禹為選得田仁任安二人賢將軍不得已上之問能畧田仁曰提袍鼓立軍門使士樂死仁不及任安任安曰決嫌疑定是非辨官治使百姓無怨安不及田仁帝曰善

自舉二

遞相舉附

增請從隗始

戰國策云燕昭王謂郭隗曰齊因吾國亂而襲破燕孤極知燕小誠得賢士以共圖

雪先王之恥孤之願也先生視可者得身事之隗曰王必欲致士請從隗始

述作企揚雄

枚臯

孔帖云杜甫自言先恕預以來承儒守官十一世建父審言以文章顯中宗時臣賴緒業自七歲屬

詞且四十年若令臣執先臣故事則臣之述作雖不足
鼓吹六經而沉鬱頓挫隨時敏給揚雄枚臯可企及也
有臣如此陛下其忍棄之
必用臣要及其時
又云張嘉貞天子許以相嘉貞因曰昔馬

周起徒步謁人主血氣方壯太宗用之能盡其才甫五
十而沒使用少晚則無及已陛下不以臣不肖必用之
要及其時後衰無能為
可與漢唐諸生並驅
歸田錄云夏英也帝曰第往行召卿

公以父沒王事授丹陽主簿上書乞應制舉曰若陛下
以枕流漱石為達則臣世居市井若陛下以金榜丹桂
為材則臣未忝科第若陛下以鳩杖駘背為德則臣始
踰弱冠若陛下以荷戈控弦為勇則臣生不綿歷若陛
下令臣待詔公車指陳時事猶
毋得自舉
玉海云慶

可與漢唐諸生並驅較其先後

歷六年詔

制科須近臣論

遞相舉方進薦宣

漢書云薛宣知翟方進有宰相器深

薦毋得自舉

結之方進竟代宣為丞相免二歲
方進薦宣明習文法上徵宣復職

自舉三

增書唐韓愈為人求薦書曰某聞木在山馬在肆過之
而不顧者雖日累千萬人未為不材與下乘也及至匠
石過之而不睨伯樂遇之而不顧然後知其非棟梁之
材超逸之足也以某在公之宇下非一日而又辱居姻
婭之後是生於匠石之園長於伯樂之廐者也於是而
不得知假有見知者千萬人亦何足云

至公舉一

原恐知

恨謝

孔光有所薦舉唯恐人知有所薦其人來謝安世大恨以為舉賢

張安世嘗

達能豈有私

謝不復為通

絕書屬

非遷次

後漢史弼字公謙為河東守當舉孝廉弼

知多權貴請託乃先勅絕書屬中常侍侯覽果遣諸生

齋書請之弼大怒捶生數百付獄考殺之

毛玠字孝

先典選文帝為五官將親自詣玠屬所親念玠曰老

臣以能守職免戾今所說人非遷次不敢奉命也

不失舉

不受謝

左雄薦馮直直以贓罪劾雄雄曰吾不失舉矣晉紀羊祜字叔子每舉

人未嘗知曰拜爵公朝

不薦門人

不託邑子

孔光魯恭

謝恩私室豈人臣之節

事詳師

尹翁歸字子況為東海守辭廷尉于定國定

國家在東海欲託邑子終日竟不言去後謂邑子曰此

賢將不可
干以私

無有親疎
公言得失

夫舉無他唯善所
在親疎一也詳

失所
舉

增必正色
不識面

問奇類林曰宋李昉為相
求進用者雖知其材可取

必正色拒之已而擢用
用名士或不識其面既用之其人亦不知所薦

記纂淵海曰韓魏公喜

本

無私

必以公

孔帖曰劉奇長壽中為天官侍郎薦張
鷟司馬鋁為監察御史二人因申屠瑒

以謝奇正色曰舉賢本無私何見謝
純仁凡薦引人才必以天下公議其人不知自純仁所

問奇類林曰范

出

韓厥戮僕

郗詵劾洪

國語曰趙盾舉韓厥其僕
乘車干行厥執而戮之宣

子謂諸大夫曰二子子賀我矣吾舉厥也忠吾乃今知
免於罪矣問奇類林曰晉崔洪為左丞薦郗詵以自

代後詵劾奏洪曰唯官是視
各明至公洪聞其言而重之

獨薦處厚

同舉程頤

孔帖云韋表微翰林學士缺人人爭薦丞相所善者表微獨薦韋處厚人服其公

記纂淵海云呂正獻公與

溫公同舉程頤乞特加

不以吏部

豈識臺官

冊府元龜

召命拜崇政殿說書

曰吉頊為吏部侍郎陸象先本名景初為揚州參軍秩滿調選頊擢授洛陽尉時象先父元方亦為吏部固辭不敢當頊曰為官擇人至公之道景初才望高雅不以吏部之子妄推薦也竟奏授之

東軒筆錄曰孫折為

御史中丞薦唐介吳中復為御史人問曰公未嘗與二人相識遽薦之何也孫曰昔人恥呈身御史今豈求識

面臺官後二人皆

玉不韜輝

蘭無沈馨

唐呂溫房玄齡贊曰

以風力聞天下

網羅遺賢推轂羣英
玉不韜輝蘭無沈馨

至公舉二

增安得十女壻

山堂肆考曰晉劉弘都督荊州表牙門將皮初為襄陽太守朝廷以初望淺更

用弘女壻夏侯陟弘下教曰治一國宜以一國為心必

若姻親然後可用則荊州十郡安得十女壻然後為政

哉因表皮初之勲

不求人知

問奇類林云宋王曾在中書嘗謂大臣報政不

宜見酬答詔聽之

當收恩避怨每薦

政府無書

又云司馬溫公薦劉元城充館職謂公曰知所

用人不求人知

相薦否曰獲從公遊舊矣溫公曰非也光居間足下時

節問訊不絕光位政府足下獨無書此光之所以相薦

也

失所舉一

原敗國 削戶

傳為賈曰子玉之敗子文之舉也舉以敗國將何賀焉 漢張勃舉陳湯湯父

死不奔喪坐

勃失舉削戶

免冠 席藁

宋弘薦桓譚君山為議郎世祖令君山鼓琴好其繁

聲弘聞召譚責之後於帝前鼓琴見弘失其常度帝怪

問之弘免冠謝曰臣本舉譚望以忠正導主而令朝廷

欣悅鄭聲臣之罪也帝乃改容謝弘史記應侯任鄭

安平為將擊趙為趙所困遂以二萬降趙唯席藁請罪

貌取 面欺

以言取人失之宰予以貌取人失之子羽宰予言語之科而不仁澹臺滅明字

子羽貌寢而賢

孔融薦禰衡

王稽不上計 陳湯

表云人不易知受面欺之罪

不奔喪

范睢舉王稽為河東守三年不上計坐誅睢日不懌下詳上

雖入貢於鹿

鳴 宜奉身於鷁退 既貌取而失人 何面欺而逃

責 徒多推士之名 終乏知人之鑒 苟於人而聽

言則舉事而失德 擇善得人必聞有賞 非才而

舉安可無辜 始聽言而信行汝得人焉 及論事而

稽功予所否者 增以疾罷 以貪敗冊府元龜曰張涉為國子博士

太子侍讀與喬琳友善及德宗嗣位多以政事訪涉涉盛稱琳可大用因拜御史大夫平章事琳本粗材年高有耳疾帝每有顧問對荅失次居相位凡八十餘日罷知政事 孔帖曰趙璟考功歲終請如至德故事陳殿最璟自言薦韋証以貪敗請降考校

失所舉二

原稱非其人

周書稱非其人惟爾不任注言是爾不稱其任也

好善不擇孫叔

穆子好善而不能擇人謂用豎牛

知非其人

陳寔字仲弓為郡功曹時中常侍侯覽託太守

高倫用吏倫教署為文學掾寔知非其人白太守此人不宜用侯常侍不可違乞從外署免塵明德從之人怪寔失舉寔

有屬顯言

魏諸葛誕為吏部郎人有所屬輒顯其言用之後有得失則公

終不言

議舉者百僚由

增濫進

孔帖云惟賢知賢聖人篤論身苟濫進庸及知人不擇舉

是慎其所舉也

者之賢而擇所舉

據罪抵刑

陸贄奏議云諸司所舉皆有情故兼賄賂不得

之不濫不可得已

實才臣請陛下當使所言之人詳陳所犯之狀某人受

賄某舉有情陛下然後以事實於臣臣復以事實於舉

主若便首服則據罪抵刑

過則棄

孔帖云李石用韓益判度支案以贓

如或有詞則付法閱實

敗石曰臣本以益知財利不保其貪帝曰

宰相用人知則用過則棄此謂之至公

坐舉主一

增文獻通考曰東漢章帝時詔復用前漢丞相故事以四科辟士凡所舉士先試之以職乃得充選其德行尤異不宜試職者疏於他狀舉非人兼不舉者罪杜氏通典曰順帝陽嘉元年濟陰太守胡廣等十餘人皆坐謬舉免黜又曰東晉元帝制揚州歲貢二人諸州各一人時以天下喪亂務存慰勉遠方孝秀不復策試到即除署既經略麤寧乃詔試經有才不中舉者免其太

守其後孝秀莫敢應命 冊府元龜曰肅宗上元二十

年赦書每除京官五品以上正員清望官及郎中御史
諸州刺史皆令推薦一兩人以自代仍具錄行能聞奏
觀其所舉以行殿最 又曰代宗大厯元年詔許吏部
選人自相舉如任官有犯坐舉主從吏部侍郎王延昌
所請 續文獻通考曰明永樂九年吏部尚書蹇義上
言在外布按二司府州縣官必須得人宜令在內文職
七品在外五品以上及縣正官各舉所知賢能廉幹堪

任牧民及居風憲者一人吏部考驗量才擢用其所保
非才舉主連坐上是其言命速行之 又曰正統二年
楊士奇等上疏言藩臬二司及府州正官宣宗令大臣
保舉得人遂多昔唐太宗命京官舉郡守縣令後致天
下斗米三錢之效近年有等京官無人保舉造為謗語
伏望聖斷仍遵先帝勅旨行但所舉人後有犯贓必明
正舉主之罪則人知謹畏不敢徇私諂從其議 又曰
正德十一年令有司歷任二年之上果有政績卓異方

許撫按薦舉贓濫連坐

坐舉主二

原雅拜

狂言

漢司隸何武舉方正見盤辟雅拜有司以為詭衆虛偽坐左遷楚內史華陰

永嘉言朱雲兼資文武可試守御史大夫匡衡以為大臣國家股肱明主慎擇嘉小生狂言妄相舉薦嘉竟坐

貶秩

治罪

嚴延年察獄吏廉會其吏有贓不入身坐舉不實貶秩笑曰後無復有舉人者

丞相參軍宋挺盜官布六百匹正刑棄市遇赦充奮武將軍阮抗請為長史司直劉隗字大連劾抗請治罪

坐免

自殺

後漢王丹字仲回客有薦士於丹者因選舉之後舉者犯罪丹坐免客慚自絕

丹召曰何量丹之薄也乃設食以罰之相待如舊池陽令舉廉吏王昱於薛宣未召昱妻受囚家錢昱實不

知後人言之豈慚自

殺宣乃旌其樞也

增罰金

奪俸

杜氏通典曰北齊孝昭帝皇建

二年詔內外執事官從五品以上三府主簿錄事參軍

諸王文學侍御廷尉三官尚書郎中中書舍人每在三

年之內各舉一人所舉之人止在一職三載之內有犯

死罪以下刑罪以上舉主準舉人之罰各罰其金自鞭

以下舉主勿論孔帖曰于公異不能事後母仕不歸

省詔賜孝經罷歸田里盧邁坐舉非其人奪俸兩月

免官

謫戍

孔帖曰不實免王丹之官續文獻通考曰明洪武六年罷科舉專用辟薦初

立法甚嚴每舉者至京上親校閱不稱旨輒坐舉主往往有謫戍者

虧典

納賂

冊府元龜

曰孟簡為山東道觀察使憲宗元和十四年御史奏簡

舉均州鄖鄉縣鎮遏兵馬使趙潔充本縣令有虧典刑

勅罰一月俸料又曰李肇李翱並為中書舍人文宗

太和三年貶肇為將作監翱為少府少監以相者納賂

賜死肇與朝同

薦柏耆故也

連坐

悔舉

文獻通考曰宋太祖建隆三年詔常參官內有

嘗佐藩郡及歷州縣官者各保舉堪充幕職令錄一人不必以親為避他日有所犯不如舉狀連坐之續文

獻通考曰理宗紹定元年梁成大乞申嚴薦舉法廉吏犯入已贓者許舉主悔舉從之

削戶

黜階

上詳前失所舉一杜氏通典曰後魏孝莊帝詔求德行文藝政事強直者縣令郡守刺史皆敘其

志業具表以聞三人以上縣令太守刺史賞一階舉非其人黜一階

充刺史

任縣令

冊府元龜曰開元二十九年詔內外官有親伯叔及兄弟并子姪中有才術異能堪充刺史縣令者任以名薦其卑官所舉人聽於所由長官處通狀一時錄奏其考試通人任用之後如有虧犯典憲名實不相副者所舉之人與其同罰如政績著聞終始廉謹為衆所知者其所舉人與其同賞又曰元和二年制曰江淮大縣每

歲據闕委三省御史臺諸司長官節度觀察使各舉堪任縣令有能否與元舉人同賞罰

殺柳昇

流子諒

冊府元龜曰天寶三載長安縣令柳昇坐贓於朝堂杖殺昇為韓朝宗所薦坐舉人不直

制貶吳興郡別駕員外

孔帖曰張九齡嘗薦長安尉

周子諒為監察御史子諒劾奏牛仙客語援讖書帝怒

杖子諒於朝堂流瀼州九齡

坐舉非其人貶荊州長史

有不職

無可採

孔帖曰陸

贄秉政始請臺閣長官得自薦其屬有不職坐舉者文獻通考曰宋太祖開寶九年詔翰林學士李昉等閱諸道所解孝弟力田等人試問所業無所採乃悉退去詔劾本部官濫舉之罪

條察李詠

覆視僧孺

冊府元龜曰唐韓朝宗為荊州刺史開元二十四年鄧州南陽縣令李詠擅興賦役貶為

康州都城縣尉詠之為令也朝宗所薦乃貶為洪州刺史孔帖曰裴均坐覆視皇甫湜牛僧孺等對策非是

罷學士

不如所舉 當循此法

續文獻通考曰景定四年詔令侍從臺諫給舍

卿監郎官以上及制總監司各舉所知不拘員限不如所舉則連坐之制宜在必行 又曰洪熙元年上諭曰古者除官則署舉主姓名貪穢則連坐今當循此法

坐舉主三

增不實免官

孔帖云薛登疏曰漢法所舉之主終身保任揚雄之坐田儀成子之得魏相賞罰之

令行則請謁之心絕退讓之義著則貪競之路消請寬年限以容簡汰不實免官得人如賞自然見賢不隱貪祿不專矣

必罰

又云繆舉必行其罰

連坐法非

山堂考索云宋朝自祖宗以來有薦

舉除授之目仍列舉主姓名或在官貪濁不公柔懦不理職務廢闕處斷乖違並量輕重連坐且夫人之難知

自堯舜病之矣今日為善而明日為惡猶不可保況於
十數年之後其幼者已壯壯者已老而猶執其一時之
言使同被其罪不已過乎

舉主自首

文獻通考云太宗端拱四年
令内外官所保舉人有變節

踰濫者舉主

犯贓

續文獻通考曰明景泰三年詔各
處見任官員果有才行政事優長

自首原其罪

拘於資格屈在下僚者並聽在內四品以上在外巡撫
巡按方面正官薦舉進京所舉人後犯贓罪連坐舉主

取士弗當刊文有差

又云孝宗弘治四年令考官不
能勝任而取士弗當刊文有差

連舉主

坐罪

坐舉主四

增詔唐貞觀十八年詔曰朕遐想千載旁覽九流詳求

布政之方莫若薦賢之典元凱就列仄微可以立帝功
管隰為臣中人可以成霸業是以去夏變動翰墨披露
丹府疇咨海內尺木旣樹思覩遊霧之羣雲羅宏張佇
降翔庭之翼而諸州所舉十一人朕載懷仄席引入內
殿明訪政道相顧結舌豈可飾丹漆於朽質假風雲於
決起者哉宜並放還各從本色其舉主以舉非其人罪
論

增策唐田備對請行賞罰以勸舉賢策曰頃者德宗皇

帝頒下詔旨令舉所知自是內外百寮歲有聞薦有司
各詳其狀咸命以官語其數誠得多士之名考其才或
非盡善之實何則得賢由舉擇慎審慎審由賞罰必行
十年以來未聞有司之以得所舉賞一人以失所舉罪
一人則內外之薦恐未專精出處之賢或有遺濫斯所
以令陛下尚有未得賢之歎也伏惟申命所舉深詔有
司量其短長之才授以大小之職然後明察臧否精考
課最得人者行進賢之賞謬舉者坐不當之辜自然上

下精詳遠近懲勸謹闕梁以相保責輪轅以相承俾夫
草靡風行達於天下則天下之耳盡為陛下聽天下之
目盡為陛下視明其視則舉不失德廣其聽則野無遺
賢而後官得其才事得其序

御定淵鑑類函卷一百四十一

謹案卷一百四十第六頁後三行宣帝即時召武
待詔宦者署刊本時訛位據漢書改

第十三頁前五行蚡以肺腑為相按漢書腑作附
卷一百四十一第五頁後二行臣敢違之刊本違
訛為據左傳改

第十八頁後三行語援讖書刊本援訛授四行流
穰州刊本穰訛讓並據孔帖改





總校官庶吉士 臣 張能照

校對官庶吉士 臣 陳崇本

校對官檢討 臣 王福清

謄錄監生 臣 宣葆光

謄錄監生 臣 單勉中

欽定四庫全書

會要

子部

御定淵鑑類函卷一百四十二

三

詳校官兵部主事臣雷純

欽定四庫全書薈要卷一萬一千五百九十

子部

御定淵鑑類函卷一百四十二

政術部二十一

奉使

招撫

廢命附

奉使一

原論語曰使於四方不辱君命可謂士矣

初學記曰

魏武選舉令曰夫遣人使於四方古人所慎擇也故仲尼曰使乎使乎言其難也案周官小行人掌邦國賓客之禮籍以待四方之使者凡四方之使者大客則擯小

客則受其幣聽其辭使適四方朝覲宗遇會同君之禮

也存順省聘問臣之禮也行夫掌邦國傳遽之小事媿

惡而無禮者凡其使也必以旌節雖道有難而不時必

達

周禮註曰傳遽若今時乘傳騎驛而使者也媿福慶也惡喪荒也此事之小者無禮行夫主使之道有難

謂遭疾病他故不以時至也必達王命不可廢也唐賈公彥疏曰無禮者無擯介而單行謂之無禮也又

風俗通云周秦常以歲八月遣輜軒之使採異代方言

還奏之永藏秘室漢舊儀奉璽書使者乘馳傳其驛駒

也三騎行日夜千里為程又說苑曰明君之使人也任

之以事不制以辭遭吉則賀之凶則弔之此奉使之事

也其稱謂有行李

左傳曰行李之往來杜預註行李行人也

行人

論語曰行人子羽脩

飾之註曰行人掌使之官

凡國之將命遣使往曰奉命來曰復命一

曰報命亦曰歸報

增冊府元龜曰周官小行人之職

達六節辨五物以周知天下之故其往也賦皇華以遣之其還也歌四牡以勞之蓋所以重宣命之寄慰于役之勤斯古道也得非王者居九重之深御四海之廣慮下情之未達懼一物之失所由是慎擇其人俾專厥任

若乃察謠俗采方言賑恤孤窮興舉孝秀辨庶士之淑慝平羣盜之倣擾至有乾文謫見天灾流行或推賜租之恩或舉申究之典斯皆因時立制以裨政治者也

合璧事類曰行人之職時聘以結諸侯之好間闕以諭諸侯之志春秋列國亦多有之漢唐以來有巡行之博士直指之繡衣觀風之八使案察之六條皆所以宣導德意延問疾苦究吏治之得失視風俗之厚薄其歸一也宋熙寧中嘗遣使察訪紹聖中詔三歲一遣卽中御

史按諸路監司 嘉祐集曰敵國有事相待以將無事
相觀以使今之所以使者亦輕矣曰此人也為此官也
則以為此使也今歲以某來歲當以某如縣令差役必
均而已矣

奉使二

招撫

廢命附

原毛詩曰四牡勞使臣之來也有功而見知則說矣曰
四牡駢駢周道逶遲豈不懷歸王事靡盬我心傷悲
又曰皇皇者華君遣使臣也送之以禮樂言遠而有光

華也曰皇皇者華于彼原隰駢駢征夫每懷靡及

謹案此是

文王為西伯使臣往來中國知其勤苦而勞來也

左傳曰齊侯以諸侯之師

侵蔡蔡潰遂伐楚楚子使與師言曰君處北海寡人處南海唯是風馬牛不相及也不虞君之涉吾地也何故管仲對曰昔召康公命我先君太公曰五侯九伯女實征之爾貢苞茅不入王祭不供無以縮酒寡人是徵昭王南征而不復寡人是問對曰貢之不入寡君之罪也敢不供給昭王之不復君其問諸水濱又曰公孫歸

父以襄仲之立公也有寵欲去三桓以張公室與公謀而聘于晉欲以晉人去之冬公薨季文子言于朝曰使我殺適立庶以失大援者仲也夫遂逐東門氏子家還及笙壇帷復命于介杜預註曰歸父襄仲子也襄仲居東門故曰東門氏子家歸父字適謂子惡齊外甥也襄仲殺之而立宣公除地為壇而張帷也介副也將去使介反命于君又曰晉侯秦伯圍鄭晉軍函陵秦軍汜南佚之狐言于公曰國危矣若使燭之武見秦君師必

退武夜縋而出見秦伯曰秦晉圍鄭鄭既知亡矣若亡鄭而有益于君敢以煩執事越國以鄙遠君知其難也焉用亡鄭以倍鄰鄰之厚君之薄也若舍鄭以為東道主行李之往來供其困乏君亦無所害夫晉何厭之有既東封鄭又欲肆其西封若不闕秦將焉用之闕秦以利晉唯君圖之 又曰晉使解揚如宋使無降楚曰晉師悉起將至矣鄭人囚而獻之楚楚子厚賂之使反其言不許三而許之登諸樓車使呼宋人而告之遂致其

君命楚子將殺之使與之言曰爾既許不穀而反之何
故非我無信汝則棄之速即爾刑對曰臣聞之君能制
命為義臣能承命為信信載義而行之為利謀不失利
以衛社稷民之主也受命以出有死無賈寡君有信臣
下臣獲考死又何求楚子舍之以歸 公羊傳曰禮大
夫受命不受辭出境以安社稷利國家者則專之可也
何休註曰外事不素制不豫設故云不受辭也 穀梁
傳曰季孫行父禿晉卻克眇衛孫良夫跛同時而聘于

齊齊人使禿者迂禿者眇者迂眇者跛者迂跛者蕭同叔子處臺上而笑之聞于客客不悅而去相與立胥閭而語移日不解齊人有知之者曰齊之患自此始也

齊晏子短使楚楚為小門而延晏子晏子不入曰使狗國者從狗門入而臣使楚不當從狗門入韓詩外傳

曰越王句踐使廉稽獻民於荆王荆王使者曰越夷狄之國也臣請欺其使者荆王曰越王賢人也其使者亦賢子其慎之使者出見廉稽曰冠則得以俗見不冠不

得見廉稽曰夫越亦周室之列封也不得處於大國而處江海之陂與龜鱉魚鼈為伍文身剪髮而後處焉今來至上國必曰不冠不得見如此則上國使適越亦將劓墨文身剪髮而後得以俗見可乎荆王聞之披衣出謝 論語曰蘧伯玉使人於孔子孔子與之坐而問焉曰夫子何為對曰夫子欲寡其過而未能也使者出子曰使乎使乎 說苑曰魏文侯封太子擊于中山三年使不往來趙倉唐曰君何以不遣人使大國太子曰願

之久矣未得可使者對曰臣願奉使侯何嗜好太子曰

侯嗜好晨鳧好北犬於是遣倉唐縹北犬奉晨鳧文侯悅

曰擊愛我哉乃復太子擊故曰倉唐一使文侯為慈父

擊為孝子 史記曰趙平原君使于春申君趙使欲誇

楚為玳瑁簪刀劍悉以珠飾之春申君客三千餘人上

客皆躡珠履以見趙使趙使大慙 又曰陸賈楚人以

客從高祖定天下名有口辨居左右常使諸侯時中國

初定尉陀平南越因王之高祖使賈賜佗印為南越王

賈至尉佗魑結寘踞見賈賈說佗曰足下中國之人親
戚昆弟墳墓在真定今足下欲以區區之越與天子抗
衡為數國禍且及身矣佗乃蹶然起坐謝賈曰居蠻夷
中久殊失禮儀 漢書高紀漢王曰孰能為我使淮南
使之發兵背楚留項王于齊數月我之取天下可以萬
全隨何曰臣請使之乃與二十人俱使淮南 增又曰
文帝後二年詔使者冠蓋相望結轍于道以諭朕意於
單于 原史記司馬相如傳云是時邛笮之君長聞南

夷與漢通得賞賜多多願為內臣妄請吏比南夷天子問相如相如曰邛笮冉駹者近蜀道易通秦時常通為郡縣矣至漢興而罷今仍復通為置郡縣愈于南夷天子以為然乃拜相如為中郎將建節往使副使者王然于壺充國呂越人馳四乘之傳因巴蜀幣物以賂西南夷漢書樓護傳曰護方正為諫大夫使郡國多持幣帛過齊上書求上先人冢因會宗族故人各以親踈與束帛一日散百金之費使還奏事稱意擢為天水太守

吳錄曰張儼字子節吳人弱冠知名以博文多識拜
大鴻臚使于晉孫皓謂曰今南北通好以君有出境之
才故相屈行 又曰張儼使晉曰皇皇者華臣蒙其榮
懼無古人延譽之美磨礪鋒鏑思不辱命也 費禕別
傳曰孫權每別酌好酒以飲禕視其已醉然後問以國
事并論當世之務辭難累至禕輒辭以醉退而撰次所
問事事條對無所遺失權乃以手中嘗所執寶刀贈之
禕答曰臣不才何以堪明命然刀所以討不庭禁暴亂

者也但願大王勉建功業同獎漢室臣雖闇弱終不負
東顧 晉紀云吳使陟瑯如魏晉文王饗之問吳之戍
備幾何對曰自西陵以至江都五千七百里又問道里
甚遠難為堅固對曰疆界雖遠而其險要必爭之地不
過數四猶人雖有八尺之軀靡不受患其護風寒亦數
處耳文王善之厚為之禮 方言曰遣輜軒使者採絕
代方言 華覈表云今雖遣大夫循行風俗銜命糾察
黜陟為名揚虎視之威厲秋鷹之爪則在人之畏威結

舌未肯言人短也 增晉書曰張駿遣治中從事張淳

稱藩于蜀以假道通表建康李雄許之謂曰貴主英名
蓋世土險兵強何不亦稱帝自娛一方淳曰寡君祖考
以來世篤忠貞以仇恥未雪枕戈待旦何自娛之有雄
慙曰我之祖考本以晉臣為衆所推遂有今日琅邪若
能中興亦當率衆輔之厚為淳禮而遣之淳卒致命于
建康 冊府元龜曰劉晏肅宗寶應二年吐蕃犯長安
既平帝命晏充度支轉運等使如上都宣慰百姓以晏

舊京尹觀者如堵既宣恩煦無不忭舞 又曰賀若察

代宗大歷四年為給事中察自潁州使還賜帛五十匹
先是潁州刺史李岵以暴政專殺帝命驗其事察復奏
稱旨 又曰裴度元和中為司封郎中時魏博節度使
田季安卒牙軍立小將田興為留後憲宗遣度使魏州
宣諭興承僭侈之後視事齋閣尤加弘敬惡之乃治舊
採訪使廳居之請度為壁記述興謙降奉法魏人深德
之 又曰元稹為監察御史憲宗元和四年奉使東蜀

劾奏故劍南東川節度使嚴礪擅籍沒塗山甫等八十

八戶 經濟類編曰晉王存勗聞燕王守光稱帝大笑

曰俟彼十年吾當問其鼎遣李承勳往用鄰藩通使之
禮典客者曰吾王帝矣公當稱臣承勳曰燕王自可臣
其境內豈可臣他國之使守光囚之數日出而問之曰
臣我乎承勳曰燕王能臣我王則我請為臣不然有死
而已守光不能屈 冊府元龜曰後唐伊廣襟情灑落
善占對及為汾州刺史時武皇主盟諸侯景附軍機締

結聘遺旁午廣奉使稱旨 又曰郭崇韜臨事機警應

對可觀武皇時為典謁奉使鳳翔稱旨 言行錄曰范

文正公歲大蝗旱詔公奉使安撫江淮還因負民所食

烏昧草進呈乞宣示六宮戚里用抑奢侈 增招撫冊

府元龜曰孔巢父建中末為魏博宣慰使巢父博辯多

智對田悅之衆陳逆順利害君臣之道士衆愧悚喜忭

曰不圖今日復覩王化 又曰李鄘為吏部員外郎徐

州張建封卒其子愔為將校所迫俾領軍務詔擇臨難

不懾者即其軍以諭之遂命鄘鄘直抵其軍召將士傳
朝旨陳禍福脫監軍柱牯兇黨不敢犯 又曰闕播為
都官員外郎時湖南山洞中王國良聚衆為盜令播往
宣諭之使回改兵部員外郎 又曰李大亮為散騎侍
郎時樊鄧未平因遣大亮安集之所下者四城拜安州
刺史 又曰宋慶禮為大理評事充嶺南採訪使時崖
振等五州首領更相侵掠荒俗不安承前使人懼其炎
瘴莫有到者慶禮躬至其境詢問風俗示以禍福於是

安堵遂置鎮兵五千人 又曰柏耆為右拾遺元和十

五年鎮州王承元歸國移鎮滑州朝廷賜成德軍賞錢

令鄭覃宣慰軍人賚錢未至浩浩騰口穆宗詔耆往諭

旨衆心乃安 增廢命冊府元龜曰漢郭允明為翰林

茶酒使乾祐元年命允明宣賜荆南高保融旌節官誥

允明出自羣小舉動騷縱令本司官健荷御酒數十甕

至諸宮每保融宴席之際惟厲聲索御酒自飲 又曰

周金彥英為尚輦奉御使高麗稱臣於夷王恭帝顯德

六年決杖一百配流商州

奉使三

招撫

廢命附

采風謠案姦慝并入

原天節

皇華

韓陽天文要集曰天節星主奉使小而明即使中正

執

圭持斧

禮記曰大夫執圭而使所以申信也曰武帝末郡國賊盜羣起拜暴勝之為直指

漢書

使者衣繡持斧捕盜賊督課郡國東至海以軍興誅不從命者威振州郡

埋輪

攬轡

司馬

彪續漢書曰漢安帝元年遣八使巡行風俗皆者儒多知唯張綱年少官最微受命之部而綱埋其輪于洛陽都亭曰豺狼當道安問狐狸遂奏大將軍梁冀河南尹尹不疑十五事皆臣子所切齒書奏御京師震悚又曰范滂字孟博汝南人舉孝廉光祿四行時冀州饑荒盜賊羣起乃以滂為清詔使案察之登車攬轡慨然有

澄清天下之志

獻節

張旌

左傳曰秦伯使西乞術來聘且言將伐晉襄仲辭焉對曰寡君

得徵福于周公魯公以事若不腆先君之敎器而使下臣致諸執事以為瑞節要結好命所以藉寡君之命結二國之好是以敢致之蜀志曰陳震字孝起入拜尚書遷尚書令奉命使吳賀孫權踐祚震入吳界移闕候曰東之與西驛使往來冠蓋相望申盟載好日新其事震以不才得充下使即日張旌語衆各自約誓國有典刑懼或有違幸必斯誨示其所宜

謁闕

移候

儀禮曰使者及境張旌誓乃謁闕人鄭玄

註曰謁告也

展幣

襲圭

儀禮曰使者及館展幣于賁人之館如初賁入門左

下詳上註

公再拜賁避不答拜又賁人東面坐啓櫝取圭垂纁賁襲執圭鄭玄註曰執圭盛禮也又畫飾為相致敬也

河源海上

史記曰漢使窮河源其山多玉石采來云云又曰天子巡邊至朔方使郭吉

告單于單于怒
遷吉北海上

赤帷 白蓋

司馬彪續漢書曰大使車五乘駕駟赤帷持節

者重道五百稍弩十二人
又曰小使車蘭輿赤轂白蓋從騶騎四十人

奉璧 拭圭

史記

趙惠文王時秦昭王遣趙王書願以十五城易和氏璧
蘭相如奉璧入秦 儀禮曰賓朝服立東西面賈人北

面坐拭圭鄭玄註
賓使者拭清之也

遺鴻 獻鵠

魯連子曰展無所為
魯君使遺齊襄君鴻

至澠而浴鴻鴻失其裘在御者曰鴻之毛物可使若一
能買鴻耳無所曰吾非不能買鴻也是工隱君下易幣
無所不敢 說苑曰魏文侯使舍人無擇獻鵠于齊侯
無擇行道失之獻空籠曰非無錢以買鵠惡輕易其幣

受命 從宜

儀禮曰使者載旌帥以受命于
朝 禮記曰使從宜禮從俗

受圭

還玉

儀禮曰使者受圭垂纆以命
又曰君使卿皮弁還玉于館賓受圭退負右旁南立

飲

冰

冒霧

莊子沈諸梁曰吾饜無欲清之人今吾朝受命而夕飲冰吾其內熱歟朝冒霧露晝被

塵埃

銜命

奉辭

銜君命而使奉辭復命

勤王

招士

祇役勤王漢

武使博士循行天下舉獨行君子士有特招使者之任也註士有異行須特招也

星飛斗

風入律

漢書曰飛星大如缶出西南入斗下占曰漢使匈奴明年匈奴單于雕陶莫臯死遣中郎將楊

興使匈奴十洲記曰天漢三年西國王使使來獻使者曰常占東風入律百旬不休青雲干呂連月不散中

國將有好道之君我國故搜奇蘊而貢神香垂毛車以濟弱水于今十三年矣

適四方達

六節

禮記大夫七十遠四方乘安車自稱曰老夫行役以婦人周禮達天下之六節山國用虎節土國

用人節澤國用龍節皆以金為之道路用旌節門闕用符節都鄙用管節皆以竹為之

奉君事

徵師役

擇任而往奉爾君事敬無廢命
有徵事奉使四方徵師役也

舉張祿

薦不疑

鄭安平操范雎亡匿奉使謁者王稽至魏安平詐為卒侍王稽稽問魏有賢人可與俱西遊者

乎安平曰臣里中有張祿先生欲見君其人有仇不敢畫見乃夜見之稽遂載入秦卒為秦相 暴勝之為直指使至渤海聞雎不疑賢遣使請 輕幣益敬 成禮

不疑

相見薦諸公車拜青州刺史

輕幣益敬

成禮

加敏

子叔齊子為季武子介以會自是晉人輕魯幣而益敬其使齊子相季武子以禮故也 齊國莊子

來聘自郊勞至于贈賄禮成而加之以敏敏審于事

承命不忘

選使宜重

叔向

曰遠罷有後于楚宜哉承君命不忘敏 溫嶠字太真上疏曰選使宜重不可減二千石見居二品者

觀採風謠

圖畫聚落

後漢和帝分遣使者各至諸郡觀採其風謠 後漢李恂拜侍

御史持節使幽州慰撫北狄所過皆
圖畫山川屯田聚落百餘卷悉奏之

行人之官 輜

軒之使

漢書縱橫家者流蓋出于行人之官受命不受辭此其所長也及邪人爲之則尚詐譖而棄其

信

君子于役 使者旁午

漢書使者旁午謂一縱一橫也蓋使者縱橫也

受命不宿於家 既殯而造於朝

禮記凡爲使者已受命君言不宿於家急

君使也 大夫聘未至而卒則既殯而造于朝註介將事也

輶車 驛騎 朝受

命 夕引道 載馳載驅 不日不月 周官行人

漢儀使者 奉茲星使 採彼風謠 勤宣帝命 敷

求人瘼 悚惕奉公 咨諏問政 省問風俗 圖寫

山川 夏為大暑暴炙 冬為風寒偃薄 周適四方

巡行風俗 漢分八使觀採方言 增愜旨 合意冊府

元龜曰房式憲宗時為吏部郎中時河朔節度劉濟王士真張茂昭皆以兵壯氣豪相持短長李吉甫薦式為給事中將命于河朔歷使諸鎮諷諭之還奏愜旨又曰裴度為御史中丞元和十年自淮西行營宣慰還言

軍事多

合帝意

三歲

八事

上詳奉使一合璧事類 楊時集曰周憲之宣和二年淮南荒

早詔公察視賑濟公登對

陳八事上皇一一開允

六條

五術

冊府元龜曰孫伏伽為大

理卿貞觀十二年太宗遣伏伽等二十二人以六條巡察四方以澄清為務多所貶黜舉奏又曰陸贄補渭

南尉德宗立遣黜陟使十一人行天下贄說使者請以五術察風俗曰聽謠誦審其哀樂納市賈觀其好惡訊

簿書考其爭訟覽車服等
其儉奢省作業察其取舍

分縑

送節

沈約詩曰資幣分縑出帝

京杜甫詩曰傳聲

酬良馬

賜襲衣

冊府元龜曰崔敦禮校

看驛使送節向河源

右驍衛長史武德九年令敦禮往幽州召廬陵王李瑗

瑗舉兵反執敦禮問以京師消息敦禮竟無屈撓及瑗

誅太宗壯之酬以良馬又曰王峻為樞密使廣順三

年正月太祖御便殿顧謂侍臣曰河隄決壞大興功役

宜得幹才往彼規畫峻對曰興作事大

獨不辭

無

臣欲自往區分及辭賜襲衣金帶綵絹

不通

又曰袁滋為工部員外郎貞元十四年西川韋臯始通西南夷蠻長異牟尋貢琛請吏朝廷方選郎

吏可行者皆以西南邊遠憚之滋獨不辭德宗深嘉之以本官兼中丞持節入南詔使還擢為諫議大夫又

曰晉聶延祚為太子賓客善揣人情多有材藝飲博諧戲無所不通累奉使杭越及荆湖藩鎮侯王見者愛之

震威武

問疾苦

又曰李靖授嶺南撫慰大使以嶺海迺遠久不見德非震威武示禮

義則無以變風俗即率兵南巡延視長老宣布天子德意遠近歡服又曰太宗貞觀三年五月旱令中書舍

人杜正倫崔敦禮守給事中尹文憲張玄素等往闕內諸州分道撫慰問人疾苦見禁囚徒量事斷決人有冤

枉不能自申者隨狀理之

封千戶

命四臣

史記曰高帝使劉敬使匈奴還報曰匈奴

不可擊此必見短伏奇兵以爭利上怒械繫敬往而厄于白登還至廣武赦敬封千戶號建信君宋史曰歐

陽脩遷翰林學士奉使契丹其主命貴臣四人押宴曰此非常制以卿名重故爾

辭致館

吉釁鐘

左傳曰叔弓聘于晉報宣子也晉侯使郊勞辭曰寡君使弓來繼舊好固曰女無敢為賓徹命

于執事敕邑弘矣敢辱郊使致館辭曰寡君命下臣來繼舊好好合使成臣之祿也敢辱大館叔向曰子叔子

知禮哉 經濟類編曰秦楚穀兵秦王使人使楚楚王使人戲之曰子來卜之謂何曰吉楚人曰王方殺子以釁鐘其吉如何使者曰秦楚穀兵我王使我先窺我死而不還則吾王知警是吾所謂吉也使者以報楚王赦之

廉察民乏

宣揚朝化

冊府元龜曰裴寂為右僕射高祖武德元年詔巡京

城以西詣彼閭閻見其耆老觀其風俗廉察吏民乏絕之徒量加賑給如有寃滯並為申理高年疾病就致束帛 又曰皇甫無逸武德初為御史大夫時益部新開政刑未洽長吏賦汙狼藉令無逸持節巡撫無逸宣揚朝化法令嚴肅

言遼可平

知蜀可取

又曰賈言忠為侍御史高

宗乾封中裨將薛仁貴既降扶餘川遂沿海略地與行軍總管李勣大軍相會時言忠受詔往遼東支度軍糧使迴帝問以軍事言忠畫其山川地勢且言遼東可平之狀 又曰後唐李嚴為客省使奉使于蜀時王衍失

政嚴知其可取使還具奏故平蜀之謀始于嚴

盡一時選

繼二邦好

資治通鑑

曰魏遣常侍李諧聘梁主建康武帝引見與語應對如流上目送之謂左右曰朕今日遇勅敵時南北通和務以俊義相誇銜命接客必盡一時之選無才地者不得與馬梁使至鄴鄴下為之傾動魏使至建康亦然合璧事類除賈蒙制曰繼好二邦奉辭萬里副車之任選亦不輕

長跪而謝

厚禮而

遣

戰國策曰安陵君使唐雎使秦秦王謂唐雎曰寡人以五百里之地易安陵安陵君不聽寡人何也唐雎

曰安陵君受地于先王雖千里不敢易也豈直五百里哉秦王怒曰公亦嘗聞天子之怒乎伏屍百萬流血千里唐雎曰大王嘗聞布衣之怒乎伏屍二人流血五步天下縞素今日是也挺劍而起秦王色撓長跪而謝之晉書曰涼州張駿遣參軍王騰聘于趙趙王曜謂之曰貴州和好卿能保之乎騰曰不能侍中徐邈曰君來

結好而云不能保何也。臨曰：齊桓貫澤之盟，諸侯不召，自至葵丘之會，叛者九國，趙國之化常如今日可也。若政教凌遲，尚未能察過者之變，况邠州乎？曜曰：此凉州君子也，厚禮而遣之。

蒙遜起拜

彥通慙謝

經濟類編曰：魏李順奉使至凉，凉主蒙遜遣揚定歸，謂順曰：年衰多疾，不堪拜伏，小差當

相見。順曰：王之老疾，朝廷所知，豈得自安不見詔使？蒙遜延順入至庭中，蒙遜箕坐隱几，無動起之狀。順正色大言曰：不謂此叟無禮，乃至於此。今不憂覆亡而敢凌侮，天使魂魄逃矣。何用見之？蒙遜乃起拜。又曰：後周

馬希萼之帥羣蠻也，府庫累世之積，皆為澁州蠻酋符彥通所掠。彥通富強，稱王于溪洞間。王逵既得湖南，欲遣使撫之。其將王虔朗請行，既至，責之曰：昔馬氏在湖南，足下祖父皆北面事之。今王公盡得馬氏之地，足下不早往乞盟，異日得無悔乎？彥通慙執虔朗手謝之，即日去。王號

招撫諭劉濟

撫

庭湊

冊府元龜曰唐溫造河內人德宗建中中為張建封所禮時李希烈用兵四劫多所陷沒德宗患之

以劉濟方推忠誠密詔建封選賢德有識之士往諭之乃署造節度參謀使于幽州造與語未訖濟俯伏流涕願效死節唐書曰韓愈轉兵部侍郎鎮州亂殺田弘正而立王庭湊詔愈宣撫愈至庭湊嚴兵逐之曰所以紛紛者乃此士卒也愈大聲曰天子以公為有將帥材故賜以節豈意同賊反耶神策六軍之將如牛元翼比者不少但朝廷顧大體不可棄之公久圖之何也庭湊曰即出之愈曰若爾即無事矣

下三十

餘州

擒二百餘人

冊府元龜曰淮安王神通武德四年竇建德刺史王羨求降神通為

使者慰撫山東下三十餘州建德之地悉定又曰契苾何力為左驍衛大將軍高宗龍朔九年以何力為鐵勒道安撫大使乃揀精騎五百馳入謂曰國家知汝被誑誤遂有翻動汝等皆可自新罪在首渠得之則已諸

姓大喜共擒偽葉護及設特勒等同惡二百餘人以歸誅之

關中羣盜皆下嶺

南首領盡降

又曰殷矯初為太宗渭北道元帥長史時關中羣盜往往聚結令矯招慰之所至皆

下又曰李嶠為監察御史時嶺南邕巖二州首領反叛發兵討擊高宗令嶠往監軍事嶠乃宣朝旨特赦其罪叛者盡降因罷兵而還高宗嘉之

原廢命失辭違命

行人失辭失禮違命

樂祈不敬公子失禮

樂祈以君命起疆而使未致使而私飲酒不敬二君不可不討

乃執之晉執之也穀梁傳曰公子遂如齊至黃乃復乃者亡乎上之辭也註大夫受命而出雖死以尸將命今遂以疾而還失禮違命故曰亡上

不能專對所在停留

論語誦詩三百使於

四方不能專對雖多亦奚以為後漢李邵為漢中戶曹吏時竇憲納妻郡國皆有禮慶邵諫太守憲危亡可

待勿與交通不聽遂自請行許之所在停留以觀變至扶風憲就國自殺友黨悉誅與交通者免官惟漢中守

不預

廢職

棄命

棄事不忠

廢命非敬

既辱君

命是速爾尤

臣節無失寧念解揚之忠

君命不

恭宜及樂祈之責

增舞蹈

酣飲

冊府元龜曰後唐烏昭遇為供奉官

天成初使于兩浙每以朝廷事私于吳人目錢鏐為殿
下自稱臣謁鏐行舞蹈之禮又曰李仁矩為左衛大
將軍天成中奉使東川董璋張宴以召之仁矩貪
于館舍與娼妓酣宴日既中而不至大為璋所詬
與

其爭禮

莫能措言

又曰唐高表仁太宗時為新州刺史貞觀十一年倭國使至太宗遣

表仁持節撫之浮海數月方至表仁無綏遠之才與具
王爭禮不宣朝命而還由是遂絕又曰羅讓實歷中

為吏部郎中充滄州宣慰使是時李全略死其子同捷竊主兵事朝廷命讓等宣慰蓋欲示以威信冀其革心而讓等至滄州莫能措一言授以書詔而歸

奉使四

招撫

廢命附

增六轡如濡

詩云六轡如濡載馳載驅

原時聘以結諸侯之好

禮周

大行人職云時聘以結諸侯之好殷纘以除邦國之慝鄭玄注曰此二事亦以王見諸侯之臣使來者為文也時聘者亦無常期天子有事諸侯使大夫來聘親以禮見之禮而遣之所以結其恩好也天子無事則以殷纘謂一服朝之歲也憲惡也一服朝之歲五服諸侯皆使卿以聘禮來纘天子天子以禮見之命以政禁之事所以除其惡行也

間問以諭諸侯之志

鄭玄注曰此王使臣于諸侯之禮也間問者間

歲一問諸侯謂存省之屬諭諸侯
之志者諭言語諭書名其類也

賀慶以贊諸侯之

喜

鄭玄註云
贊助也

致禮以補諸侯之裁

鄭玄註曰致禮凶
禮之弔禮禮禮也

補諸侯災者若春秋澶淵之會謀歸宋財疏曰按宗伯
云以禮禮哀國敗此災亦云禮者同是會合財貨故災
亦稱
禮也
增英蕩
周禮云地官掌節皆以英蕩輔之杜子
春云以函器盛此節或曰英蕩畫函

原入國問俗

曲禮鄭玄註曰謂所
行所惡也國城中也

聞喪徐行

公羊
傳曰

公子遂如齊至黃乃復有疾也夫以君命出聞喪徐行
而不返况病乎何休注曰聞父母之喪不忍疾行為君
當使人追代已以喪諭疾
者喪尚不反况于疾也

增聘魯晉

左傳云吳王使
延陵季子聘于

魯晉諸國
以觀諸侯

原晏子使楚

晏子春秋云晏子使楚楚王
謂左右曰嬰習辭者吾欲辱

之坐定而縛一人來王問何為對曰齊人也坐盜王視晏子曰齊人固善盜乎晏子曰嬰聞之橘生淮南則為橘生淮北則為枳葉徒相似其實味不同所以然者何水土異也今民生長于齊不盜入楚則盜得無楚之水土使民善盜耶王笑

曰寡人反取病焉

辯于辭習于禮

說苑晏子使吳吳王謂行人曰

吾聞晏子蓋北方之辯于辭習于禮者命償者客見則稱天子明日晏子有事行人曰天子請見晏子感然者三曰臣受命敕邑之君將使于吳王之所不佞而迷惑入于天子之朝敢問吳王惡乎存然後吳王曰夫差請見見之以

展喜犒師

左傳齊孝公伐我北鄙使展喜犒師受命于展禽齊侯未入境

諸侯之禮

喜從之曰寡君聞君親舉玉趾將辱敕邑使下臣犒執事

下惠見齊侯解兵

說苑昔齊

起兵攻魯魯患之柳下惠見齊侯齊侯曰魯君懼乎曰不懼齊侯忿然怒曰何也柳下惠曰臣之君所以不懼

者以其先人出周南門刳羊相約曰自後子孫敢有闢
攻者令其罪若刳羊矣臣之君國以刳羊不懼矣不然
百姓非不急也齊
侯乃解兵三百里

見犀而行

左傳楚子使申舟聘于
齊曰無假道于宋申舟

以孟諸之役惡宋曰鄭昭宋聶晉使不害我則必死王
曰殺汝我伐之也見犀而行杜預注曰犀申舟子也以
子託王

見溷而行

又宋樂祁言于景公曰諸侯使唯
我事晉今使不往晉其憾矣他日

公謂樂祁曰唯寡人說子之言子必往其宰陳寅曰子
立後而行吾室亦不亡唯君亦以我為知難而行也乃
見其子

人事之患 陰陽之患

葉公諸梁使齊問孔
子曰王使諸梁甚重

齊待使者甚敬事不成當有人事之患事成必有陰陽
之患注云人患雖去喜懼戰于心固以結冰炭于五臟
矣

提振綱紀

提舉國章

叔孫如晉必葺其牆屋

左傳云叔孫婼如晉晉人執之書曰晉人執我行人公孫婼言使人也叔孫所館者雖一日必葺其牆屋去之如始至杜預注曰葺補治也不以當去而有所毀壞也

棄疾如晉禁芻牧採樵

春秋云楚公子棄疾如晉鄭伯勞之祖辭不敢見固請見之見如王禁芻牧樵採不入田不樵樹不採藝不抽屋不强句有犯命者

孔子適齊

孔叢子云孔子適齊景公讓登夫子降一

等景公三辭然後登既坐曰夫子降德辱臨寡人寡人以爲榮也而降階以遠自絕于寡人寡人未知所以爲罪孔子答曰君患顧外臣君之賜也然以匹夫敵國君非所敢行也雖君私之其若義何

挺刃交

兵陳說其間

家語孔子登農山謂二三子各言爾志子貢進曰願使齊楚合戰于泝瀆之野兩壘

相望塵埃相接挺刃交兵賜著縞衣白冠陳說其間推論利害釋二國之患唯賜能之夫子曰辯哉

史

黯使簡子按兵

說苑趙簡子將襲衛使史黯往視之期以一月六月而後反簡子曰何其久也

黯曰謀利而得害由不察也遂伯玉為相史鰭佐焉孔子為客子貢使令于君前其佐多賢矣簡子按兵不動

獻空籠

齊使淳于髡獻鵠于楚出郭門飛其鵠揭空籠往曰臣過上水不忍鵠之渴飲之遂飛去

欲買代之是欺吾王也云云楚

淳于到楚

說苑曰齊使淳于髡

王曰善哉得子言倍于鵠矣

到楚髡形體短小楚王薄賤之曰齊無人也而使子來

對曰臣無長腰中七尺劍欲斬無狀王王曰吾戲子耳

即與髡

公孫觀秦

呂氏春秋曰孟嘗君使公孫弘西觀秦見昭王王曰薛地大小幾何

共飲

對曰百里王笑曰地方百里而欲以難寡人可乎弘對

曰孟嘗君好士不臣天子不友諸侯如此者三人可為

管商之師能致主伯王如此者五人萬乘之嚴主辱其

使者退而自刎必以其血汙其衣有如臣者七人昭王

謝曰客何為若此寡人善孟嘗君欲客之必謹諭寡人之意也

賜裝千金

漢書陸賈傳尉佗平

南越因王之高祖使賈賜佗印為南越王賈至大悅留與飲數月曰越中無足與語至生來令我日聞所不聞

賜賈囊中裝直千金他送亦千金賈卒拜佗為南越王令稱臣奉漢約歸報高帝大悅拜賈為大中大夫

陸賈使南越

史記孝文元年召陸賈使南越讓尉佗自立之意佗甚恐為謝自稱曰蠻夷大長老

夫臣佗頓首謝願長為藩臣奉貢職

持節至匈奴

三輔故事妻敬曰臣願為高車使者持節

往匈奴庭與其主約曰自海以南冠蓋之士處焉自海以北控弦之士處焉割土盟之然後還

視河

決

漢鄭莊上使視河決請治行五日工曰吾聞莊行千里不齎糧

相如使南夷

史記司馬

相如傳云天子拜相如為中郎將建節往使使略定西夷印符冉駹斯榆之君皆請為內臣還報天子天子大

悅

縣令負弩先驅

又司馬相如為中郎將乘傳因巴蜀吏帶以賂西南夷蜀太守以下

郊迎縣令負弩前驅蜀人以為寵也

發倉粟賑貧民

又汲黯為謁者河

上使黯往視之還報曰家人失火屋比延燒不足憂也

臣過河內貧人傷水旱萬餘家或父子相食臣謹以便

宜持節發河內倉粟以賑貧民上賢而釋之

為繡衣御史逐捕魏郡羣盜黨與及吏畏懦逗留當坐

者貧縱不誅以奉使不稱免歎曰吾聞活千人有封吾

所活者萬餘人

持節歸南陽

東觀漢記郭丹從師于長安買符入函谷關乃

慨然歎曰丹不乘使者車終不出關更始二年三公舉

丹賢能徵為諫議大夫持節使歸南陽丹自去家十有

二年果乘高車

出關如其志焉

風舉龍堆

班固曰今朝廷昭明海內寧靜空令朱輪之使風舉

御定淵鑑類

卷

二十三

龍堆之表

循行風俗

後漢書周舉傳順帝時詔遣八使循行風俗選素有威名者乃拜舉侍中

杜喬守光祿大夫周栩前青州刺史馮羨尚書樂巴侍御史張綱兗州刺史郭遵大尉長史劉班並守光祿大夫分行天下刺史二千石有贓罪顯明者驛馬上之墨綬以下使輒收舉于是八使同時俱拜天下號曰八俊舉于是奏劾貪猾表薦公清朝廷稱之

循行州郡

李郃別傳郃居漢中和帝即位分遣使者

循行州郡觀風俗皆微服單行使者二人到益州投公舍宿公察其人異焉時日暮露坐為出酒與啖公仰視星問曰二君發京師時寧知使者何日發耶二人驚而相視問公何以知之郃指星曰有二使星來向益郡

守令望風解印

續漢書范滂少厲清節為州里所知為清詔使至州境守令自知賊汙望風解

印綬去其所舉奏莫不鑒塞眾議

枉屈麟鸞奉計王室

蔡邕與故郡將子橋伯尉

書 云 能專對有智謀 吳書沈珩字仙仲吳都人少綜經藝善左氏春秋權以珩有智謀能

專對乃使至魏 魏文帝問曰吳嫌魏東向乎珩曰不嫌也曰何以言曰恃舊盟歸于好是以不嫌渝盟自有預

備矣 遺珠一石 蜀志宗預傳預將命使吳孫權問預曰東之與西譬如一家而西增白帝之守

何也預對曰東益巴立之兵西增白帝之守此皆事勢宜然俱不足相問權捉預手泣涕而別曰君銜命結二

國之好今君年長孤亦哀矣 趙咨使魏文帝善之 吳書

恐不復相見遺預大珠一石 趙咨字德度南陽人博聞多識應對辨捷孫權為吳王

擢中大夫使魏 魏文帝善之 趙咨曰吳王頗知學乎咨曰吳王浮江萬艘帶甲百萬任賢使能志存經略雖有

餘閒博覽書傳歷史籍採奇異不效書生尋章摘句而已 引刀自刺何異蘇武 吳書馮熙字子柔潁川人權

之為車騎熙歷東曹掾使蜀

還為中大夫後使于魏魏使陳羣誘之昭以重利熙不為迴送至摩陂欲困苦之熙懼見迫不重必危身辱命乃引刀自刺御者覺之得不死孫權垂涕曰此與蘇武何異竟死于魏也

和合二國唯有

鄧芝

蜀志鄧芝傳曰先主遣芝脩好于孫權權果狐疑芝對曰蜀有負險之固吳有三江之阻合此之長

共為唇齒進可并兼天下退可鼎足而立大王今若委質于魏江南之地非大王有也權與諸葛亮書曰丁左拔張陰化不盡和合二國惟有鄧芝注拔或作艷謂丁左之言多浮艷也

費禕使吳舉坐

稱之

荊州先德傳曰諸葛亮以費禕有俊才宜遣使吳權好朝戲以觀時人琅邪諸葛恪羊衡廣陵范慎

等各知名皆在坐並發異端之論以難禕禕應機輒對舉坐稱之

陟

步

奉使如魏入境而問諱入國而問俗壽春將王布示之馬射既而問之曰吳之君子亦能斯乎陟曰此軍人

騎士肄業所及士大夫君子未有為之者矣布大憲

八部從事

晉王導使八部從事之部顧和

字君孝在數中還同時見諸從事各言二千石得失和獨無言導問之和曰明公為政寧有漏網何緣有所察也

增是人神情爽拔

孔帖云李義琛文成公主貢金過盜于岐州主名不立太宗召

御史至目義琛曰是人神情爽拔可使推捕義琛往數日獲賊

勵節將

又云李紆貞元初為兵部

侍郎時誅李懷光兵會河中詔紆宣慰以勵節將還報合旨

人人便安

又云奚陟貞元八年

遷中書舍人於是江南淮西皆大水詔陟勞問循慰所至人人便安

平章請行

又云程昇同平

章事西北軍政不治議置巡邊使憲宗問孰可者乃自請行

處決平恕

又云馬懷素以十道

使黜陟江西處決平恕

不受厚賂

冊府元龜云班宏為給事中時成德軍李寶臣卒其子唯

岳匪父喪以求位代宗難之乃遣宏問疾且喻唯岳唯岳厚賂之宏皆不受還報合旨

采風謠

方干送崔遺出使江東詩曰
九門司諫諍萬里采風謠

守節不屈盡其在我盧

摯郝經神道碑曰經字伯常世祖即皇帝位詔經以翰林侍讀學士使宋號使曰國信賜金虎符經踰淮館留真州壑垣柵棘防閑如獄犴介佐而下久于囚羈戚嗟尤怨經語之曰一入宋境死生進退聽其在彼守節不屈盡其在我豈能不忠不義以辱中州士大夫乎須忍死以待至元十一年伯顏南伐詰宋執行人之故遂以禮歸

招撫爭來款附

冊府元龜曰張河初為高祖大將軍戶曹參軍從至賈胡堡令

河還鎮并州尋遣慰撫山東燕趙之地爭來款附

賊徒歸附日以千數

又云裴懷

古則天時為監察御史時姚嵩道蠻反詔懷古往招輯之懷古申賞罰賊徒歸附者日以千數乃俘其君而還

承宗遂稟朝旨

又云殷脩為虞部員外郎元和中王承宗在鎮州拒命憲宗命脩招諭之

承宗遂稟朝旨

原廢命私買奴

後漢鄭興奉使私買奴婢左遷蓮勺令

私飲

酒使而失命召而不來

左傳云云是再姦也

奉使五

原詩北齊裴讓之公館讌誚南使徐陵詩曰嵩山表京

邑鍾嶺對江津方域殊風壤分野各星辰出境君圖事

尋盟我恤鄰有才稱竹箭無用忝絲綸列樂歌鐘響張

旃玉帛陳皇華徒受命延譽本無因韓宣將聘楚申胥

欲去秦方期飲河朔翻屬卧漳濱禮酒行三獻賓筵盛
八珍歲稔鳴銅雀兵戢坐金人雲來朝起蓋日落晚摧
輪異國猶兄弟相知無舊新 裴訥之鄴館公宴詩曰
晉楚敦盟好僑札同心賞禮成樽俎陳樂和金石響朝
雲駕馬進曉日乘龍上雙闕表皇居三臺映仙掌當階
篁篠密約岸荷蕖長束帶盡欣娛誰言鶩歸兩 周庾
信將命至鄴詩曰大國脩聘禮親鄰自此敦張旌事原
隰負床報成言西過犯風露北指度轅轅交歡值公子

展禮覲王孫何以譽嘉樹徒興賦采繁四牢盈折俎三
獻滿疊樽人臣無境外何由欣此言風俗既險阻山河
不復論無因旅南館空欲祭西門眷然惟此別風期幸
共存 又酬祖正員詩曰我皇臨九有聲教洎無隄興
文盛禮樂偃武息民黎承乏驅騏驎旌旃事鼓鞞古碑
文字盡荒城年代迷破隴文瓜熟交塍香穗低投瓊實
有意報李更無蹊 陳潘徽贈北使詩曰業定三邊靜
時和四海敷行人仍禮籍使者接輜軒賓榮君享燕客

踞我司存既美齊嬰學欣逢鄭產言琴酒時歡會篇章
極討論迴旌逗隴左返軸指河源塞榆行隱路津柳稍
垂門日沈山氣合潮落水花翻離情欲寄鳥別淚不因
猿所可緘懷袖方以代蘭萱 隋盧師道贈司馬幼之
南聘詩曰故交忽千里輜車莅遠盟幽人重離別握手
送征行晚霞浮極浦落景照長亭拂霧揚龍節乘風遡
鳥旌楚山百重映吳江萬仞清夏雲樓閣起秋濤帷蓋
生陸侯持寶劒終子繫長纓前脩亦何遠君其勗令名

虞世基接北使詩曰會玉二嶠至瑞節三秦歸林蟬

疎欲盡江鴈斷還飛牆垣崇客館旌蓋入王畿共此敦

封植方欣薦紵衣 增唐張九齡奉和聖製送十道採訪

使及朝集使詩曰三年一上計萬國趨河洛首路回

竹符分鎮揚木鐸昭晰動天文慇懃在人瘼 岑參送

蕭李二郎中兼中丞充京西京北覆糧使詩曰霜簡映

金章相輝同舍郎天成巡虎落星使出駕行樽俎成全

策京師聞見糧歸來鹵塵滅畫地奏明光 孟浩然和

李侍御奉使詩曰南紀西江閣皇華御史雄截流寧假
楫挂席自生風寮窠爭攀鷁魚龍亦避驄坐聞白雲唱
翻入棹歌中 韋莊送崔郎中往使西川行在詩曰拜
書辭玉帳萬里劒關長新馬杏花色綠袍春草香一身
朝玉陛幾日建銅梁莫戀廬邊酒仙宮待侍郎 宋王
禹偁送羅著作奉使湖湘詩曰使星躔次入長沙曉別
延英去路賒數刻漏中承密旨幾重湖外問皇華山行
馬拂湘川石寺宿僧供岳麓茶迴日期君直西掖當階

紅藥正開花 明蘇伯衡送王希暘編脩使交趾詩曰

歷數歸真主羣方若綴旒外藩須嗣續當宁重懷柔芝
簡文彌盛茅封禮更優代言欣爾屬將指副予求暫下
層霄去真成萬里遊宮袍裁白紵廐馬出驛騶望重皇
華使名高好時候揚鞭隨越鳥祖席贈吳鉤自覺光輝
遠那知跋涉脩幾旬行嶺嶠何處是交州山擁魚鱗集
江分燕尾流墮鳶從跼跼鹿自呦呦綠認枕榔浦紅
看荔子洲馬人偏好客蜨戶總能舟日上扶桑表天垂

瘴海頭昔聞銅作柱今見蜃為樓榭葉時交墜沙蟲或
暗投由來宣至德直欲重遐陬 高啓送祠江濱使者
詩曰源發岷峨萬里通函香迢遞問齋宮神馳白馬靈
光近祝奉玄牲禮秩崇驛下換船潮湧日廟前沈璧水
迴風重煩使者微多福南國無疵秣黍豐 劉溥使回
過獨石詩曰邊城二月暗塵沙吹過東風不見花天上
玉京旋日騎水通銀漢繫星槎雲中路出高山險上谷
營連獨石斜正是旅愁消未得夕陽樓外又鳴笳 謝

榛送李給事元樹奉使雲中諸鎮詩曰瑣闥朝下促飛
旌歲暮看君塞上行戍角動人多苦調戎衣走馬半新
兵闌開涿鹿雲連樹路出蜚狐雪滿城計日楚材封事
上君王深見九邊情

原賦隋江總辭行李賦曰維大梁三十有六載神功懋
乎開闢垂恩儲祉壓子代之盤盂盛德形容陋周年之
弇石月窟向風日域仰澤要荒歛塞諸戎重譯輶軒巡
履聲芳亥步旌節經過事高禹跡舉皇華之盡美馳珥

玉之多事或江夏之無雙匹洛陽之才子訪羽儀於廊
廟旌秀異於杞梓引強學之三端賞彫文于四始顧德
侔于罕志奉朝章于信次天鳳舉而張旃濟龍沙而通
贄敏異季札之聽歌譽乘屬國之銜使懷蘇子之抵掌
憶千秋之畫地願自勵而飲冰揆無庸而案轡嗟負恩
之無力每若寘于叢棘倏辭東平之樂善再踐承明而
遊息豈異千里之奔跼寧辭一錢之不直諒無期於鴻
漸念有似于蟬翼荷德澤之霈然鑒丹愚之匪飾慚借

譽於瑟柱免長徭於蔥極聊暇日以須臾每長吟以鬱
紆異金石之能固若草木之分區進學慚於枝葉綿力
謝於康衢構伯休之蓬戶狎仲憲之桑樞徒悅水而非
智庶因谷以為愚恥矯名於周客寧濫響于齊竽奉棲
遲以偃仰願太素之不污

增贊明宋濂滕奉使贊曰東陽滕茂實當宋靖康初以
太學正與僉書路允迪奉使於金議割三鎮太原尋奉
密詔據城不下金人怒囚之雲中欽宗北遷茂實謁見

涕泣請從行主者不之許其後允迪南歸茂實獨留鴈門終身不再仕臨沒令以黃襚裹屍而葬仍刻石識云宋使者東陽滕茂實墓此殆不事二君者與乃作贊曰漢有蘇武奉使不屈滕公配之有聲烈烈黃襚裹屍以全臣節如璧之白弗縑弗缺其人雖亡而神不滅上遊帝所凌厲日月降臣見之肝碎膽裂敢述贊辭勒在貞碣

增碑唐張說贈太尉裴行儉神道碑曰儀鳳二年十姓

生可汗匐延都支為李遮匐潛搆大戎假擾西域朝廷
憑怒將行天討公進議曰敬元敗績於茅戎審禮免胄
而入狄豈可絕域更勤王師今波斯王亡侍子在此若
命使冊立則路由二蕃便宜取之是成擒也高宗善其
計詔公以名冊送波斯兼安撫大使公往莅遺愛洽於
人心是行也百城故老望塵而雅拜四鎮酋渠連營而
誓酒一言召募萬騎雲集公乃解嚴以反謀託獵以訓
旅誤之多方問其無備裹糧十日執都支於帳前破竹

一呼鉗遮畝於麾下廓氛祲於地表輝皇靈於天外充
國有屯田之頌實憲有燕山之銘訂茲遠略彼何微也
公之送波斯也入莫賀延磧中遇風沙大起天地暝晦
引道皆迷因命息徒至誠虔禱徇於衆曰井泉不遠須
臾風止氣開有香泉豐草宛在營側往來之人莫知其
處此乃耿公之拜井商人之化城也

原書後漢孔融與韋林甫書曰使君足下懷遠垂勲西
戎即敘前別意恨甚多不悉卒從事至承獲所訊喜而

起居不恙而到也云便結駟徑至舊治西土之人宗服
令德解仇從好以順風化萬里雍穆如樂之和雖為國
家威靈感應亦實士穀堪事之效也昔伯安由幽都而
登上司子琰以豫州而取宰相近事未遠當勉功業以
豐此慶耳間僻疾動不得復與足下岸幘廣坐舉杯相
於以為邑邑前日元將來雅度弘毅偉世之器也昨仲
將復來文敏篤誠保家之主也不意雙珠近出老蚌甚
珍貴之遣書通心 梁任孝恭為李慶州孟堅使與覃

無名書曰昔陸賈皇華定交知於南越長卿披繡通夷
險於夜郎故傳美於往書流芳於篆素足下南中盛族
嶺表豪門藉譽既深承芳已舊但道曠風雲論平生而
是即江山間阻銜杯酌以何因空想神魂徒勞夢寐僕
世稟威儀門勒鐘鼎提戈海岳推轂數千逮我不才無
兼文武鴻私弗替膺茲閭外麾蓋所臨實宣慈造足下
刺舉一隅同奉家國進止之宜實俟高算 劉孝儀北
使還與永豐侯書曰足踐寒地身犯朔風暮宿客亭晨

炊謁舍飄飄辛苦迄屆羶鄉雜種覃化頗慕中國兵傳
李緒之法樓擬衛律所治而毳幙難淹酪漿易饗王程
有限時及玉關射鹿胡奴乃共歸國刻龍漢節還持入
塞馬銜首蒼斯立故墟人獲蒲萄種歸舊里稚子出迎
善鄰相勞倦握蟹螯亟覆蝦碗未改朱顏略多自醉用
此終日亦以自娛

原論梁元帝鄭衆論曰漢世銜命匈奴困而不辱者二
人而已子卿手持漢節卧伏冰霜仲師固無下拜隔絕

水火況復風生稽落日隱龍堆瀚海飛沙皐蘭走雪豈
不痛鼻酸心憶雒陽之宮陞雪泣橫悲想長安之城闕
直以為臣之道義不為生事君之節生為義盡豈望拔
幽泉出重仞經長樂未央及還望塞亭來依候火旁
觀上郡側眺雲中雖在已之願自隆而於時之報未盡
增引宋蘇洵送石昌言舍人北使引曰昌言官兩制為
天子出使萬里外建大旆從騎數百送車千乘出都門
意氣慨然富貴不足怪吾於昌言獨自有感也大丈夫

生不為將得為使折衝口舌之間足矣往年彭任從富公還為我言曰既出境宿驛舍聞介馬數萬騎馳過劒槊相摩終夜有聲從者怛然失色及明視道上馬迹尚心掉不自禁凡彼所以誇耀中國者多此類也中國之人不測也故或至於震懼而失辭以為笑嗚呼何其不思之甚也昔者奉春君使冒頓壯士大馬皆匿不見是以有平城之役今之匈奴吾知其無能為也

御定淵鑑類函卷一百四十二